

Consistorio de Juegos Florales euskaros de San Sebastian

ACTA LEIDA EN EL TEATRO PRINCIPAL LA NOCHE DEL 21 DE DICIEMBRE.

«Uri ontako Euskal-itx jostaldien Bilgumak izendatutako batzar-epalle bereziak, aurtengo izkribalarien indar-neurtzera aurkeztu diran moldaereen gañean beren iritzia emateko, oek arreta aundiarekin ikusi ta gero, erabaki dute sari-emaldia era onetan:

Irakorgairik onena sariztatzeko eskeña izan dan *zillarrezko erramu adarra* eman derilla On Gregorio Arrue, Zarauzko eskola maisu arazgetuari azalkai onen pean aurkeztu duen itz-larrizko lan ederragatik; *Aspaldi aietako gure asabak Euskaldunak* ziran; *gu ere bai omen; ala usté*; ez baizik esate ederrez apaindua dagolako baizik ere, bere egitera egokiagatik; emanaz gañera *aipamen onragarri bat* On Karmelo Echegaray, «*Aitor-en etorrera edo Euskal-erriaren asiera*» izendatutako irakorgaiaren egilleari.

Union artesana deritzon donostiar elkarteak Bilinch biursari maitagarriaren doaindigoan izkribatutako kantik onenaren egillearentzat ezkeñitako *Nikel-ezko tintontzia*, emana izan derilla On Claudio Otaegui, Ondarrabiko eskola-maisuari *¡Bilinch doakabeari!* izentzat duen moldaeraren egillea agertzen dan meriyoz; emanaz gañera sari-aldeara bat On Ramon Artola donostiarrari *¡Indalezio Bizkarrondo (Bilinch)* zeritzaion itz-neurlariari *donekidatutako Oroimena-gatik*, eta *Aipamen onragarri bat* On Karmelo Echegaray-koari, *Vilinch biursariaren doaindigoan* aurkestutako *Amalauduna-gatik*.

Alan berean *Fraternal* deritzon uri ontako elkarteak eskeñitako *zillarrezko edontzi* edo *katilluba*, *bere antzeko kuchare eta plater-choarekin*, Donostiar erriko-semearen erakia obeto azaltzen duen euskal-amalaudunik onenaren egillearentzat, emana izan derilla On Serafin Baroja donostiarrari, *Erriko-semea* izentzat eta *Donostiarra* azalkaitzat dauzkan moldaeragatik.

Eta, azkenengo, emana izan dakiola aipamen onragarri bat On Manuel Antonio Antia, Urnietako erretore jaunari, *Jesus-en Laguntaldean sartzeko San Luis Gonzagaren zeruko deia*, izentzat duela, erderatik itzulita aurkeztu duen iru jarduerako komediagatik.

Oek dira aurtengo izkribalarien indar-neurtzean sariztatuak izan diran moldaerak, eta esandakóak beraen egilléak; gelditurik jabe-gabetuak, *Donostiar argidotarren bizitzen gañean* lanik onena sariztatzeko Bilguma onek eskeña zeukan *Urrezko luma*, moldaerarik baterere aurkeztu ez dalako gai ontan; jostiruditar saiorik onena sariztatzeko eskeña zegoen *Zillarezko koroia*; eta *Euskal soñu-zarren gañean ipiñitako pot-pourri* edo nasmen onenaren egillearentzat eskeñitako saria, ontarako aurkeztu dan moldaera bakarra, ez duelako batzar epalle bereziak beraren diñ arkitu.

Ala erabaki zuen, lan guztiak ondo ikusi ta gero, Uri ontako Euskal-itx jostaldien Batzarréak, agindurik jaso zerilla egintza au.

Bilguma bereziaren izenean: JOSÉ IRASTORZA, Dianagusi ordekoak.— JOSÉ MANTEROLA, Goarpelariak.